

饑民相劫奪行旅不通 三十三年春泰山大饑餓等枕籍貧民多取其肉食之萬曆十四年十月十八日泰山碧霞宮四方來焚燒者互相踐踏死六十一人今巡撫都御史李 委濟南府通判桑東陽往

經理收葬

依史第十五卷登覽志

縣二

叙曰曷志乎登覽也志古今人登覽者之文若歌若詩若序記是也嘗聞丘壺子曰務外遊不如務內觀故列子自以爲不知游而眉山蘇子曰人之所遇役於事者常多遊於物

縣二

外者常少由斯以談遊何容易儻哉泰山之遊乎躋日觀月觀之高峰可以俯仰宇宙探龍文虎阜之奇石可以磨礪壯懷臨天紳聖水之飛泉可以澡灑精爽尋呂公婁敬之幽洞可以呼吸烟霞豈謂外遊非內觀之助耶

要以孤矢四方之志高人達士之懷古今一也其間遊而能言者暢布於篇章即若壑秀偉萬狀若燦入丹青然而其寄興高遠飄飄然有不局於山水間者彼豈徒以娛耳目爲解騁詞翰爲富乎玩物適情固內觀者所不

廢也宣聖在陵作歌千載絕唱是用冠諸編簡永耀山靈漢魏而下以迄於今則皆循世次錄焉

詩歌

周

孔子在陵歌登彼丘陵蒺藜其阪仁道在邇

求之若遠遂遂不復自嬰也蹇喟然回顧題彼泰山巒確其高梁甫回連枳棘克路陟之無緣將伐無柯患滋蔓延惟以求漢涕實瀉瀉

曳杖消搖於門歌曰泰山其

頽乎梁木其壞乎哲人其萎乎

見禮記檀弓子曰泰山其頽則吾將安仰梁木其壞則吾將何之

疾七日而沒也然觀此則知吾夫子蓋以泰山自處故併錄之

漢

張衡四愁詩之二我所思兮在泰山欲往從之梁父艱側身東望涕零翰美人贈我金錯刀何以報之英瓊瑤路遠莫致倚道遙

何爲懷憂心煩勞

魏

曹植飛龍篇晨游泰山雲霧竒窈忽逢二童

顏色鮮好乘彼白鹿手翳芝草我知真人長跪問道西登玉堂金樓後道授我仙藥

神皇所造教我服食還精補腦壽同金石求世難老

驅車篇驅車揮駕馬東到秦

高城神哉彼泰山五岳專其名隆高實雲
蜺嗟峨出太清周流二六候間置一二亭
上有湧醴泉玉石揚華英東北望吳野西
眺觀日精鬼神所繫屬遊者感斯征王者
以歸天效厥元功成歷代無不遵禮記有

品程探策或長短唯德享利貞封者七十
帝軒皇元獨靈殮霞敷沉濯毛羽被身形
發舉蹈虛廓徑庭升窈冥同壽東父年曠
代求長生○仙人篇仙人攬六著對博泰
山隅相娥拊琴瑟秦女吹笙等玉樽盈桂

酒河伯獻神魚四海一何局九州安所如
韓終與王喬要我於天衢萬里不足步輕
舉凌太虛飛騰踰景雲高風吹我軀迴駕
觀紫微與帝合靈符閣闔正蓋我雙闕萬
丈餘王樹扶道生白虎夾門樞驅風游四

海東過王母盧俯觀五嶽間人生如寄居
潛光養羽翼進趨且徐徐不見軒轅氏乘
龍出崑湖徘徊九天與爾長相須
晉
陸機泰山吟泰山一何高迢迢造天庭峻極

周以遠層雲鬱冥冥梁父亦有館蒿里亦
有亭幽岑延萬鬼神方集百靈長吟泰山
側慷慨激楚聲

王歎之妻謝氏泰山吟我東岳高秀極冲
青天巖中間虛宇寂冥幽以玄非工復非

匪雲構發自然器象爾何物遂令我屢遷
逝將宕斯宇可以盡天年

宋

謝靈運泰山吟秦宗秀維岳崔萃刺雲天昨
嶠既嶮巖觸石輒遷綿登封瘞崇壇降禪

藏肅然石間何晦詰明堂秘靈篇

唐

李白泰山吟四月上泰山石平御道開六龍
過萬壑澗谷隨縈迴馬蹟遠碧峰于今滿
青苔飛流灑絕巘水急松聲哀北眺崑嶂

奇傾崖向東摧洞門閉石崩地底與雲雷
登高望遠瀟瀟想象金銀臺天門一長嘯萬
里清風來王女四五人飄飄下九垓含笑
引素手遺我流霞杯稽首再拜之自愧非
仙才曠然小宇宙棄世何悠哉○清曉騎

白鹿直上天門山山際逢羽人方瞳好容
顏捫蘿欲就語却掩青雲關遺我鳥跡書
飄然落巖間其字乃上古讀之了不閑感
此三嘆息從師方未還○平明登日觀舉
首開雲閣精神四飛揚如出天地間黃河

縣二

從西來窈窕入遠山憑崖望八極目盡長
空開偶然值青童綠髮雙垂鬢我晚學
仙蹉跎凋朱顏躊躇忽不見浩蕩難追攀

○清齋三千日裂素寫道經吟誦有所得
衆神衛我形雲行信長風颯若羽翼生縶

崖上日觀伏檻窺東溟海色動遠山天雞
已先鳴銀臺出倒影白浪翻長鯨安得不
死藥高飛向蓬瀛○日觀東北傾兩崖夾
雙石海水落眼前天光搖空碧千峰爭攢
聚萬壑絕凌歷緬彼鶴上仙去無雲中蹟

長松入雲漢遠望不盈尺山花異人間五
月雪中白終當駕安期於此鍊玉液○朝
飲王母池暝投天門關獨抱綠綺琴夜行
青山月山明月露白夜靜松風歌仙人遊
碧峰處處笙歌發寂聽暝清暉玉真連翠

微想象鸞鳳舞飄飄龍門衣捫天摘匏瓜
恍惚不憶歸舉手弄清淺誤攀織女機明
晨坐相失但見五雲飛送范山人歸秦
山魯客抱白鶴別余往泰山初行若片雲
杳在青崖間高高至天門日觀近可攀雲

縣二

山望不及此去何時還右詩刻石本州會
其字古篆甚古雅可玩

杜甫望岳依宗夫何如齊魯青未了造化鍾
神秀陰陽割昏曉盪胸生層雲決皆入歸
鳥會當凌絕頂一覽衆山小

劉禹錫送東岳張鍊師東岳真人張鍊師高
情雅淡世間稀堪為烈女書青簡父事元
君住紫微金縷機中拋錦字玉清壇上着
霓衣雲衢不用吹簫伴祗擬乘鸞獨自歸
李義府雋州遙叙封禪天齊標巨鎮日觀啓

崇祠岩峩臨渤澥隱嶰控河沂建岳誠為
長升功諒在茲帝歆符廣運玄言暢文思
飛聲總地絡載化撫乾維瑞策開珍鳳禩
圖薦寶龜東后方四觀西都其六師天駕
移屋苑揚早馭風司沸鼓喧平陸疑蹕靜

通達汶陽馳月羽蒙陰擊電輶巖花飄
鰲峰葉蕩春旗石閣環藻衛金壇映黼帷
三始貽遐既萬歲受重聲非質陶恩擬趨
迹秦軒墀觸網淪幽裔乘微限明時周南
昔已嘆邛西今復悲

蕭楚才奉和展禮岱宗拂漢星旗轉分霄日
羽明將追會皇蹟更勸岱宗銘林文咽濟
岸獸鼓震河庭葉箭凌寒矯鳥兮望曉驚
已降汾水作仍深迎渭情

薛克構奉和展禮岱宗龍圖冠脊六鳳駕指
云亭緋烟泛濟浦綠字啓河汀畫裳晨應
月文戟曙分星四田巡揖禮三驅道契經
行欣奉萬歲編扈偶千齡
盧照隣登封大舖駉日觀仙雲隨鳳輦天門
碧雪照龍衣繁絳綺席方終夜妙舞清歌

歡未歸

呂洞賓書王母池昔日曾遊此如今九十春
紅塵多少客誰是識予人再書王母池
昔年留字識魯來事滿華萼遍九垓無賴
蛟虬知我字故留踪跡不沉埋右詩刻石
本州會真

宮內相傳呂洞賓手筆也玩之近是

宋

范致冲呂公洞朝遊北海暮瀛洲仙珮何年
到此遊安得相從問丹訣春風同醉岳陽
樓竹林寺竹林深處有招提深掩禪關

過客稀簷菊蕊開春欲暮冷冷鍾磬白雲
低日觀峰岱岳東南第一觀青天高聳
碧巔屹若教飛上峰頭立應見陽鳥浴未
乾

查道登岱凌空疊嶂絕九垓青帝高居絳節
開捧出海天紅日近迓將蓬島碧霞來石
間閃爍迎陽洞玉簡光華封禪臺一自祥
符裡祀後太平頂上最崔嵬魏道士宋為龍
行見孝順事實

梅聖俞登泰山日觀峰晨登日觀峰海水黃

金溶浴出車輪光隨天行無蹤正是刺我
目攢集如劍鋒矚萬物興廢滅萬物凶
草木既無命必聞石間松當時一避雨安
得大夫封人而節不遇抱簡誦六龍
王欽若登泰山四顧無雲道路開黃麾迎從

六龍來三神合發光千古萬旅傳呼動九
垓幽鳥似通真閣信真松深隱棟梁材已
知身世非常事曾到天門十二迴

元
王奕和元遺山呈泰山天倪布山張真人江

右書生枉白頭杖藜始得此山遊手摩紅
日登三觀袖拂黃埃看九州○泰山宸齋
机魯關天關左右微垣列兩班大展明堂
俱翕受黃河東畔少遊山○茂陵封禪壇
祥符天子舊明堂秦漢豐碑宿草荒人世

已非壇尚在摩崖老淚濕斜陽○漢柏肅
刺心枯歲月深孫枝已解作龍吟烈風吹
起孤高韻猶作峰頭梁南音○孫明復石
守道祠堂師生高占二山名千載誰云道
義輕岳府栢林風雨夜琅然猶帶讀書聲

杜仁傑天門鉛泰山天門無重宇尚矣布山
張鍊師寫之經構累歲乃成可謂破天荒
者也齊人杜仁傑于是乎銘之元氣裂兩
儀具五岳峙真形露惟仙宗儼箕踞仰彌
高屹天柱浩千劫空來去誰為鑿起天慮

匪斤斧乃祝詛一竅開達底處十八盤盤
千步齋初吐抱圍樹日車昇慘曠駭六龍
顏華迴玄踏此佳嘉無數無懷下兵刑措
七十君接鑿鑿聖道熄燄倫數揖讓歌纂
奪屢忽焉闕梗無路象緯森救訶護朝百

靈由茲戶金璫璨朱間布九虎蹲萬天怖
我欲叩關者怒關何時坦如故對冕旒獲
控翹豁蒙蔽泄塵霧剖政疵剔民蠹上得
情下安作額血彈帝聰悟崖不磨蒼壁堅
刻我銘期孔固番萬世正王度

元遺山登岳泰山天壤間屹如鬱蕭蓋厥初
造化手劈此何雄哉天門一向高天險若
可階積蘇與累塊分明見九垓扶搖九萬
里未可誣齊諧秦皇壇威靈茂陵亦雄才
翠華行不歸石壇滿蒼苔古今一俯仰感

極令人羨奇探志登頓意憤自遲回夜宿
王女祠崩奔湧雲雷鷄鳴登日觀四望無
氛霾六龍出扶桑翻動青霞堆平生華嵩
遊茲山未忘懷十年望齊魯孤雲拂層崖
青壁落落雲間開眼前有句道不得但覺

胸次高崔嵬徂徠山頭喚李白吾欲從此
觀蓬萊

段輔題李白泰山觀日出圖岱宗巖巖天下
雄謫仙落落人中龍茲山茲人乃相從氣
奪真宰愁豐隆玉堂一任雲霧封長嘯飛

渡秦皇於夜呼日出滄海東再為斯世開
鴻濛鈞天帝君深九重醉舞踏碎青芙蓉
天孫玉女為欵容却視五岳秋毫同長鯨
一去不復逢乾坤萬里號秋虫當年咳唾
留絕峰至今樹石生香風我欲追之杳無

踪不意邂逅會此中屋梁落月依然空
張養浩登岳風雲一舉到天關快意平生有
此觀萬古齊州烟九點五更滄海日三竿
向來井處方知隘今後築居亦覺寬笑拍
洪崖詠新句滿空笙鶴下高寒

徐世隆詠我夢天倪子同登日觀峰骨體
清似鶴步健老猶龍方外無官府堂中有
岱宗仙閣真福地杖屨會相從○送天倪
子還泰山九十行年髮未華道人風骨飽
烟霞洞天福地三千里神府仙閣第一家

牛膝藥靈對美醞元孟盛淨嘜芽芽隱居
自愛陶弘景莫作山中宰相謬

元好問送天倪子歸布山太白詩筆布山頭
布靴青鞋欠一遊擬欲高人參藥鏡却嫌
凡骨比丹丘雲間茅屋雞犬靜物外烟霞

風露秋後日天門重登覽魏仙巖下幸遲
留天倪即張志純布山即布金山在泰山
西南杜仁傑銘天門序亦稱布山張鍊
師或為天倪樓真蓋地故云

王惲咏漢柏蒼柏無城擁漢陵閔官遺樹鬱
崢嶸崔嵬不植明堂礎造化潛通岳頂靈

萬壑烟霏封傑幹半空風雨撼秋聲白頭
會見東封日秀映鸞旂一色青

張志題桃花峪流水來夫洞人間一脉通桃
源知不遠浮出落花紅泰山喜雨徐宗
天下秀霖雨遍人間高卧今何在東山似

此山二詩俱刻
大峪溪石
李簡登岳三峰突兀與天齊天門未到勞攀
躋層層石磴出林杪營迴百折青雲梯盤
石響巖舒清眺澗壑風來號萬竅水聲俄
在樹梢頭疑有於菟天外嘯向曉纔登日

觀峰手披雲霧開鴻濛火輪欲上海波赤
金霞翻動蒼龍宮黃河一線幾千里吳越
山川真地底為數齊州九點青更將伏檻
窺東溟李白不遇安期生安得羽翼飛蓬
瀛朝觀壇朝觀當年築此壇旌旗影重

簇仙班只今惟有青山在日暮孤雲自往
還鄆都崦石洞荒涼樹影孤州人相語
是鄆都古碑猶說韓擒虎為問于今尚有
無

王旭遊竹林寺石徑俯雲壑竹林開幽境寺

古僧徒稀山深嵐氣冷待遊未終興紅日
忽倒影曳杖披暝烟長歌下前嶺西溪
我愛西溪好披雲屢往來一州煙景合三
面畫屏開薄俗無商隱清時有逸才近巖
多隙地松竹更須栽

賈魯登泰山岱宗何崔嵬群山無與比使者
久塵寶壘之不勝喜無緣凌絕頂詰詞聊
致譎夫何一殿存千間暴遺地人言遭劫
火金源亂兵裏感此廢昔年傷今未能理
飛奏入彤庭經營良在邇奈何齊魯饋百

姓倉糠糶神兮願效靈稷稷多樂祀行當
復故宮金碧蕩瞻視

110151 A8 4-6